



Mars 2022

shqip

Po a nuk na ndizej zemra?

(Lk 24,32)

Kontakt: Meinolf Wacker
Kirchplatz 7
59174 Kamen

Mobil.: +49-172-5638432
Mail: meinolf.wacker@go4peace.eu
Homepage www.go4peace.eu

**Bashkëndaj eksperiencën tënde!
Share your experience!**

Të dashur miq të go4peace,

E pabesueshmja kishte ndodhur. Miqtë e Jezusit e kishin njohur atë si Mesia. Për ta ishte e qartë se Ai do t'i çlironte nga sundimi i huaj i romakëve. Madje njëri prej tyre, Juda, ua kishte dorëzuar Jezusin romakëve. Sipas tij, kjo gjë do të përshpejtonte momentin kur Jezusi do të shfaqte fuqinë e Tij si Mesia dhe do të shkatërronte romakët. Gjithçka doli shumë ndryshe. Jezusi e tregoi fuqinë e tij në fuqinë e dashurisë. Ai e la veten të kryqëzohej dhe vdiq mjerisht si një kriminel. Ai tregoi se sa larg mund të shkojë dashuria. Dashuria ndjek të gjitha shtigjet në errësirën e vetmisë njerëzore.

Dhe ja, aty ishin ata, tashmë vetëm. A kishin vënë bast në kartën e gabuar? Ata ishin totalisht humbës para miqve dhe familjeve të tyre. Në këtë dëshpërim të madh, dy prej tyre morën rrugën për në Emaus. Ata po flisnin gjithçka nga zemra. Kjo solli pak lehtësim. Një i huaj, nga hiçi, iu bashkua atyre papritur. Ai pyeti me kujdes dhe vuri gjithçka që kishte ndodhur në një dritë të re. Ai qëndroi me ta në Emaus. Zemrat e tyre u ndezën. Kur po hanin së bashku, ata zbuluan se ishte Jezusi. Ai u kishte dhënë atyre dritë të panjohur, paqe, qartësi dhe një zemër të ndezur. Pastaj nuk e panë më. Ishte menjëherë e qartë: ata duhej ta ndanin këtë përvojë me nxënësit e tjerë. Atë natë ata u kthyen në Jeruzalem për t'u treguar miqve të tyre gjithçka.

A ke pasur ndonjëherë një përvojë të tillë ku zemra jote është ndezur, sepse është prekur nga Jezusi - nga një bisedë, një zbulim, një predikimi, një përvojë e përbashkët...? Merr pak kohë për të menduar. Nëse ke gjetur një ose dy miq me të cilët dëshiron të kalosh këtë vit, atëherë ndaje-këtë përvojë me ta, këtë muaj. Zemra e Tomáš-it gjithashtu ndezur dikur:

“Unë kam shkuar në kampet e Go4peace në Sarajevë për shumë vite. Sa herë që ishim bashkë dhe punonim bashkë, për të tjerët, në shumë Workshop-e, ndjeja një gëzim të pashpjegueshëm në zemër. E prisja me padurim kampin tjetër gjatë gjithë vitit. Më vonë, shkova të takoj Meinolf në Kamen për disa ditë. I tregova për këtë gëzim të zjarrtë në zemrën time. U ulëm në një stol në diell dhe Meinolf më la të kuptoj me kujdes: 'E di, ky gëzim në zemrën tënde është gjurma e Jezusit mes nesh. Ke dhuruar vetveten plotësisht, nga dashuria, nëper kampet e Go4peace. Edhe pjesëmarrësit e tjerë kanë bërë të njëjtën gjë. Jezusi është aty - si një person real. Ai nuk mund të shihet me sytë tanë njerëzor, por ti e ndjen praninë e tij në gëzimin, paqen, durimin dhe zemrën tënde të ndezur.’ Dëgjova dhe mbaj mend që mu mbushën sytë me lot. Ishin lot gëzimi. Unë jam i sigurt që edhe ju keni pasur përvoja të ngjashme.” **Bashkëndaj eksperiencën tënde! – Share your experience!**

për go4peace-Team

Meinolf Wacker